



Jon Aslak Austjore
Mo-Byrtevegen 1792 C
3880 DALEN

Saksbehandlar, innvalstelefon
Odd Frydenlund Steen, 35 58 61 54

Avslag på søknad om løyve til skadefelling av kongeørn i Tokke kommune, Telemark

Vi viser til søknad dagsett 13. juni 2019 om skadefelling av kongeørn i Byrtedalen i Tokke kommune.

Om søknaden

Jon Aslak Austjore søker Fylkesmannen om å få løyve til skadefelling av ei kongeørn i Byrtedalen. Det vert søkt på bakgrunn av at det er funne eit daudt lam ved Stridsmo den 12. juni i år. Lammet er undersøkt med omsyn til dødsårsak den 13. juni 2019. Dyret har blitt undersøkt av SNO (lokal rovviltkontakt), og saka er registrert i Rovbasen med rovbaser ID K502997. Konklusjon på dødsårsak er *kongeørn usikker*.

Om lovverk og regelverk

Kongeørn er freda etter Lov 29. mai 1981 om jakt og fangst av vilt (viltloven) og Lov 19. juni 2009 om forvaltning av naturens mangfold (naturmangfoldloven). Samstundes er det slik at kongeørn kan volde skade på husdyr- og tamreinnæring. For mellom anna å hindre skade på husdyr og tamrein kan rovvilt fellast med heimel i naturmangfoldloven § 18 første ledd b). Skadefelling er eit verkemiddel i akutte skadesituasjonar som kan oppstå, jf. rovviltforskrifta § 9. Heimmelen til å setje i verk skadefelling av kongeørn finnest i rovviltforskrifta sin § 12. Det heiter her at:

«Fylkesmannen kan gi tillatelse til felling av enkeltindivider av kongeørn som volder vesentlig skade på bufe og tamrein, forutsatt at felling kan rettes mot bestemte individer, jf. viltlovens § 14. Vedtak om felling skal være begrenset til et bestemt område og tidsrom. Det kan knyttes vilkår til fellingstillatelsen.»

Forvaltning av våre rovviltarter bygger i dag på St.meld. nr. 15 (2003-2004) Rovvilt i norsk natur, Stortinget si handsaming av denne (Innst. S. nr. 174 (2003-2004) og rovviltforliket av 2011. Stortinget har fastlagt nasjonale mål for tal på årlige ynglingar, altså ungekull for kvar rovviltart. Bestandsmålet for kongeørn er på 850 – 1200 hekkande par. Målet for bestanden av kongeørn er ikkje fordelt på rovviltregionane, men region 2 har nedfelt regionale mål for kongeørn i forvaltingsplanen frå april 2017. Der heiter det mellom anna at «*Forvaltningen skal bidra til å opprettholde kongeørnbestanden og dagens utbredelse i regionen.*» Bestanden i region 2 er vurdert til 133-174 par (forvaltningsplan for region 2, april 2017).



Forskrift om forvaltning av rovvilt § 6 seier at felling berre kan gjennomførast dersom det ikkje finnest anna tilfredsstillande løysing ut frå prinsippet om geografisk differensiert forvaltning, og at det skal takast særleg omsyn til:

- a) Området sin verdi som beitemark
- b) Skada sitt omfang og utvikling
- c) Potensialet for framtidige skader
- d) Høve til å gjennomføre førebyggjande tiltak

Vurdering

Det vert søkt om felling av ei kongeørn etter at ein reknar med at kongeørn har drepe eit lam ved Stridsmo i Byrtedalen, Tokke kommune 12. juni. Eigar er Jon Aslak Austjordet. Tapet er dokumentert av SNO. Undersøkinga av lammet vart utført 13. juni. Konklusjonen er *kongeørn usikker* (endeleg konklusjon).

Fylkesmannen vil vurdere søknaden punkt for punkt i høve til lovverket i den aktuelle saka.

Området sin verdi som beitemark: Fylkesmannen er kjent med at det er fleire besetningar som har lange tradisjonar for å utnytte beiteressursane i området der Austjore har sine dyr. Beiteområdet må sjåast på som viktig.

Skada sitt omfang og utvikling: Det er bekrefta tap av eit lam 13. juni. Når dette vert skrive 14. juni er det ikkje nye stadfesta funn av tap av beitedyr i området.

Potensialet for framtidige skader: Fylkesmannen vurderer det slik at det vil vera potensiale for skade så lenge det finnest sau på beite i utmarka og det finnest freda rovvilt i området. På den andre sida kan denne skadesaka representera eit enkeltstående tilfelle. Fylkesmannen er godt kjent med at det er etablert kongeørn i dei same områda i Tokke. Det vil i tillegg finnast andre ikkje-hekkande individ av kongeørn i området i et varierende tal gjennom året.

Høve til å gjennomføre førebyggjande tiltak: Fylkesmannen vurderer det slik at det finnest høve til å førebyggja vidare skade ved å auke tilsynet i nær framtid. Intensivert tilsyn vil både vera førebyggjande i forhold til skade og auke sjansane for å finne daude eller skadde dyr.

Rovviltsforskrifta § 12 set krav om at det skal ligge føre *vesentlig* skade på bufe før det kan gjevast fellingsløyve. I dette høvet er det funn av eit lam som ikkje er eintydig dokumentert drepe av kongeørn, men kor kongeørn ikkje kan utelukkast ifølge konklusjonen frå SNO. Det kan dermed ikkje seiast å vera vesentleg skade. Beiteområdet er viktig og det går mye sau på beite i det aktuelle området nå framover sommaren, difor kan ein ikkje sjå bort frå vidare tap. Fylkesmannen er ikkje kjent med at det liggje føre funn av fleire daude eller skadde dyr. Det kan difor tyde på at tapet var av meir tilfeldig karakter.

Fylkesmannen legg til grunn at eigar av besetninga har auka sitt eige tilsyn med dyra i området som følge av det eine skadetilfellet, og at dette kan ha ein førebyggjande effekt. Fylkesmannen meiner difor at dette er eit tiltak som vil vera viktig å leggja vekt på vidare framover. I samband med dette kan Fylkesmannen yte støtte til eit utvida tilsyn i dei kommande vekene. Dette vert gjeve som eit tilskott etter søknad frå eigar.

Vedtak



Fylkesmannen vurderer på bakgrunn av dette at det ikke er grunnlag for å gi løyve til skadefelling av kongeørn på nåverande tidspunkt, jf. nml §§ 18 og rovviltforskrifta § 12. Fylkesmannen i Vestfold og Telemark avslår søknaden frå Jon Aslak Austjore om å få løyve til skadefelling av kongeørn ved Stridsmo i Tokke kommune. Fylkesmannen kan gjeva eit tilskott til auka tilsyn for å førebyggja skade, dersom det vert sendt inn søknad om dette.

Fylkesmannen i Vestfold og Telemark vil likevel streke under at det ved mogelege nye dokumenterte skader på husdyr der skadegjerar er kongeørn eller anna freda rovvilt, så vil vi vurdere saka på nytt. Føresetnaden er at SNO har dokumentert skade av freda rovvilt og at det vert sendt inn ny søknad basert på dette. Ein søknad vil bli handsama raskt frå vår side.

Klage

Vedtaket om avslag kan klagast på etter reglene i forvaltningslova innan tre - 3 - veker frå dette brevet er motteke. Ei mogeleg klage skal rettast til Miljødirektoratet, men skal sendast til Fylkesmannen i Vestfold og Telemark.

Med helsing

Elisabet Rui (e.f.)
direktør i Miljøavdelinga

Odd Frydenlund Steen
seniorrådgjevar

Dokumentet er elektronisk godkjent

Kopi til (e-post):

Tokke kommune
Mattilsynet, Region Øst
Statens naturoppsyn, v/Espen Marker
Fylkesmannen i Oslo og Viken, v/rovviltnemnda i region
2
Fylkesmannen i Agder